

Ո Ր Ո Շ ՈՒ Մ

Ճանապարհային ոստիկանության վարչական իրավախախտման գործի վերաբերյալ
25.06.2020թ. կայացված թիվ 00234-4 որոշումն անփոփոխ, իսկ վարչական բողոքն առանց
բավարարման թողնելու մասին

<< 10 >> 07 2020թ. 7-13- 7695

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Գագիկ Եղիազարյանի ՄԴ/63147-20 դիմումի քննարկման արդյունքում
ստեղծված նյութերը՝

Պ Ա Ր Զ Ե Ց Ի

Երևան քաղաքի Էրեբունի փողոցի 37 շենքի 18 բնակարանի բնակիչ Գագիկ
Եղիազարյանը դիմումով խնդրել է բեկանել Ճանապարհային ոստիկանության վարչական
իրավախախտման վերաբերյալ գործով 25.06.2020թ. կայացված թիվ 00234-4 որոշումը՝
նշելով, որ համաձայն չէ որոշմամբ արձանագրված իրավախախտման հետ: Միաժամանակ
հեռախոսակապի միջոցով հայտնել է , որ դիմումին ավելացնելու ոչինչ չունի և խնդրել է
դիմումը քննարկել առանց իր մասնակցության:

Դիմումի քննարկման արդյունքում պարզվել է, որ վարչական իրավախախտման գործի
վերաբերյալ 25.06.2020թ. կայացված թիվ 00234-4 որոշումը ենթակա է կատարման հետևյալ
պատճառաբանությամբ.

Վարչական իրավախախտումների վերաբերյալ ՀՀ օրենսգրքի 182.3-րդ հոդվածի 1.1 մասի
համաձայն՝ արտակարգ իրավիճակի հիմքով հայտարարված արտակարգ դրության
ընթացքում ազատ տեղաշարժվելու պայմանները, պահանջները խախտելը՝ առաջացնում է
տուգանքի նշանակում՝ սահմանված նվազագույն աշխատավարձի տասնապատիկի չափով:

Հայաստանի Հանրապետության ողջ տարածքում կիրառվող ժամանակավոր
սահմանափակումների վերաբերյալ պարետի 03.05.2020թ. N63 որոշման 7-րդ կետի
համաձայն՝ անձնական օգտագործման մարդատար և բեռնատար տրանսպորտային
միջոցներում պարտադիր է դիմակ կրելը, եթե վարորդից բացի մեքենայում առկա է առնվազն
մեկ ուղևոր:

Ուսումնասիրությամբ պարզվել է, որ 25.06.2020թ. Երևան քաղաքում քաղաքացի Գագիկ
Եղիազարյանի վարած ավտոմոբիլը կանգնեցվել է Ճանապարհային ոստիկանության ուղեկցող
սպայական վաշտի 3-րդ սպայական դասակի ավագ տեսուչ, ոստիկանության մայոր
Վ.Գրիգորյանի և նույն դասակի տեսուչ, ոստիկանության լեյտենանտ Հ.Թադևոսյանի կողմից՝
Հայաստանի Հանրապետության պարետի 03.05.2020թ. N63 որոշման 7-րդ կետի պահանջի
խախտման համար, այն է՝ վարորդը անձնական օգտագործման մարդատար տրանսպորտային
միջոցում՝ չի կրել դիմակ ուղևորի առկայության պայմաններում: Վարչական
իրավախախտումների վերաբերյալ ՀՀ օրենսգրքի 182.3-րդ հոդվածի 1.1 մասով կայացվել է
վարչական իրավախախտման գործի վերաբերյալ թիվ 00234-4 որոշումը:

Ճանապարհային ոստիկանության ծառայողների կողմից տրված պարզաբանման
համաձայն՝ քաղաքացի Գագիկ Եղիազարյանի կողմից կատարված իրավախախտումը
հիմնավորող՝ տեխնիկական միջոցների կիրառմամբ ձեռք բերված ապացույցներ առկա չեն,
սակայն իրավախախտումն եղել է անմիջապես՝ իրենց տեսադաշտում, ակնհայտ և պարզ
տեսանելի, ինչի կապակցությամբ կազմվել է համապատասխան արձանագրություն և

կայացվել թիվ 00234-4 որոշումը: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 182.3-րդ հոդվածի 1.1 մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 25.06.2020թ. կայացված թիվ 00234-4 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Գագիկ Եղիազարյանին և Ճանապարհային ոստիկանության ՎԱԿԱ բաժանմունք:



Ե.Կարապետյան